


Tin hopi edificio chikito cu ta bashi cu tambe ta haya atencion di Monumenten Bureau



ORANJESTAD (AAN): Actualmente tin hopi edificio cu por wordo considera monumento cu ta bashi. Y mas tempo nan keda bashi, ta mas atras nan lo bay

tambe, te ora cu yega e momento cu lo tin cu bashanan abao cual sigur ta algo di lamenta.

Anne Witsenburg di Stichting Monumentenfonds a bisa cu nan tin atencion pa tur monumento. Pero pa nan e proyecto ta feasible, si nan tin e edificio mes. Es decir, si e herederonan ta dispuesto pa bende e cas, si tin e placa pa restaura e monumento y e di tres, cu si tin un huurdo nobo. Como fundacion, nan no ta haci ganashi, y e tres puntonan ya menciona ta importante.

Tin situacionnan unda cu Monumentenfonds ta haci su investigacion, unda cu nan ta haya un huurdo, of un persona cu ta dispuesto pa financia e proyecto. Un ehempel di esaki ta Nicolas Store na San Nicolas, y tambe e ex cas di ex Papiamento Restaurant (Huize Veneranda). E tabata algo super bunita, y Monumentenfonds lo kier haya un funcion nobo pa esaki. Famia tambe ta preocupa cu e edificio. Pero te ainda no tin funcion nobo pe. Nan ta buscando y ta spera cu e aña aki lo por haya un solucion pa esaki.

En berdad, un edificio asina bashi, den centro di ciudad ta un mahos bista. Pero, Sra. Witsenburg a sigui bisa cu si nan no tin un huurdo pa e edificio, nan no por bay inverti den e restauracion di e edificio aki. Ta spera cu por soluciona esaki e aña aki, pa nan restaur'e, y richt e in manteniendo su autenticidad.

E fundacion no por cumpra tur e monumentonan na Aruba pa cual nan ta aprecia e iniciativanan priva. Por ehempel, Casa Rosada, Huisje Hart banda di Fort Zoutman. Tampoco e fundacion no ta focus ariab tur edificio bieu na Aruba, nan ta sigui e maneho di Land Aruba y pa



Land Aruba (monumentenbureau) ta limita e cantidad di edificionan cu ta focus ariab nan pa haya un futuro nobo.

Ta hopi dificil pasobra cu tur hende kier keda den un monumento, e ta limita. Si kier crea un edificio nobo, si ta bay traha algo nobo, e por ta algo precisamente na locual e mester. Si ta drenta un edificio existente (monumento) mester traha cu espacio cu tin. Y esaki ta limita e cantidad di potencial huurdonan.

Witsenburg ta sigur cu un dia nan lo haya un solucion pa tur e edificionan. Y dos aña pasa, nan a haya ok di famia cu nan lo bende Monumentenfonds e edificio. Den Oranjestad tin mas edificio cu mester di atencion, entre cual e edificio bieu di Aruba Bank. Un posibel restauracion lo por trece mas atencion pa Caya Grandi. Tambe ex Warda di Polis na Wilhelminastraat, ex edificio di DOW.

Tin hopi monumento chikito, no tur hende ta ripara esaki. Pero na Schelpstraat tin un casita di palo geel, autentico. A papia cu e doñonan/huurdonan cu a splica cu e palonan a bin for di Venezuela. E edificio mes tin su storia su tras y esaki tambe mester tin su restauracion. Edificionan aki tambe tin atencion di Monumentenfonds pa cual ta purba di haya un solucion pa esakinan, segun Anne Witsenburg di Stichting Monumentenfonds.